

FAKKEL-FLITSE

Weeklikse nuusflitse vir 'n ingeligte Framesby-familie!



UITGawe 316 · 8 SEPTEMBER 2023

Kontakbesonderhede: mediasentrum@framesby.co.za

FRAMESBY FAST 5 NETBALKAMPIOENE



NETBAL FAST 5 NICO MALAN:

Brandwag 23-9 Wen

Pearson 26-18 Wen

Humansdorp SS 31-3 Wen

Semi-finaal:

Drostdy 23-14 wen

Finaal:

Despatch 22-14 Wen

Goud vir Framesby-netbal!



FRAMESBY-OPVOEDKUNDIGE TRUST

KLUB 1000/100 barometer



HIERDIE WEEK SE FAKKEL-FLITSE WORD MET TROTS GEBORG DEUR:
SUNRIDGE VILLAGE

FRAMESBY FAST 5 HOKKIEAMPIOENE

Dogters :
Maroenspan:
8-4 wen vs Priory
8-6 wen vs VP1
11-3 wen vs Brandwag
10-1 wen vs Nico Malan
6-7 verloor finaal vs Framesby vlamme

Vlamme span
15-1 wen vs Brandwag
9-0 wen vs Nico Malan
9-3 wen vs DF
9-2 wen vs VP2

7-6 wen finaal vs Framesby Maroenspan
Dogters: 1ste Vlamme, 2de Maroenspan

Seuns :
Maroenspan
1-9 verloor vs VP1
10-0 wen vs Andrew Rabie
3-5 verloor vs Priory
7-4 wen vs DF
6-7 verloor vs VP2
Strepespan
6-7 verloor vs Priory
10-4 wen vs DF
6-2 wen vs VP2
12-0 wen vs Andrew Rabie
1-10 verloor vs VP1
Seuns : 3de (strepe)
en 4de (maroenspan)



D2D DANSEKSAMENSLAE:

Framesby se Dare2Dance-klubleerders het hul jaarlikse danseksamens afgelê. Al die leerders het uitstekend geval. Die dansers in die pre-bronsgroep behaal 86% gemiddeld, die dansers in die bronsafdeling behaal 87% gemiddeld, die dansers in die silwerafdeling behaal 86% gemiddeld en die dansers in die goudafdeling behaal 89% gemiddeld. Baie geluk aan Elisha van Heerden, Emilé Cox, Simoné Deyzel en Lara Nell wat die hoogste punte in elke afdeling behaal het. Ons is baie trots op hierdie groep leerders!



VERJAARSDAE DIE WEEK

SATERDAG • 9 SEPTEMBER

Jayden de Lange
Lua de Lange
Juan Grigor
Nicholas jv Vuuren
Neil van Vuuren

SONDAG • 10 SEPTEMBER

Ethan Carr
Lucan Day
Zander Minnie

MAANDAG • 11 SEPTEMBER

Macallister Fortuin
Ruan Grigor
Renico vd Berg

DINSDAG • 12 SEPTEMBER

Zandré Delport
Pieter Terblanche

WOENSDAG • 13 SEPTEMBER

Juffrou I. Oosthuizen
Zia Jansen
Malan Meiring

DONDERDAG • 14 SEPTEMBER

Me. A. Gorgens
Christiaan de Kock
Mickayla Klue
Ankie Niemand
Bruzenne September
Lumarie Smith
Kiandri Strydom
Ciarra van Vuuren

VRYDAG • 15 SEPTEMBER

Liandi Jonker
Carice Marias
Jean-Zavier Petrus
Zoerion Sampson
Schalk Stroebel
Hano van Rooyen
Wian van Rooyen



MAGDA LOUW

'N EENVROUVERTONING
MET DESIRÉ GARDNER

**23 September 2023
H/s Framesby skoolsaal
19:00**

**Kaartjies te koop by
webtickets @ R120**

Soos gesien op kykNET
Ondersteun deur Suidoosterfees,
Momentum Beleggings Aardklop
en Innibos



ASHLYNN BEHAAL 2DE PLEK IN LANDSWYE KOMPETISIE

Baie geluk aan Ashlynn Moran in Graad 11, wat 2de in die 16-18 ouderdomsgroep met haar skryfstuk "Epiphany" in 'n landswye "creative writing" kompetisie gekom het.



ELNÉ SE GEDIG WORD GEПUBLISEER!

Een van ons leerders, Elné Havenga, se gedig is in die AVBOB-bundel gepubliseer. Knap gedaan, Elné!



Suurstofdief

Afrikaans poem by: Elné Havenga
Theme: Love

Vir my was jy soos suurstof;
ek jou koolsuurgas.
Jy het my gebruik vir fotosintese -
vir jou blommeprag.
Dis al wat jy van my geneem het;
geen liefde gegeneer.
Reën het jou wel gevind,
jou blomme het gefloreer.
Sien jy dis verlede tyd?
Ek het eindelik genes,
want nutteloos is dit om 'n
suurstofdief te wees.



AANDAG ALLE VOORNEMENDE GR.8-OUERS:

Ons is die volgende Saterdae oop vir aankope:

- 30 SEPTEMBER 09:00 - 12:00
- 28 OKTOBER 09:00 - 12:00
- 25 NOVEMBER 09:00 - 12:00
- 2 DESEMBER 09:00 - 12:00
- 9 DESEMBER 09:00 - 12:00
- 16 DESEMBER 09:00 - 12:00

CHARNELLE 082 342 8113

KATRIEN 072 407 0670

CHARNELLE@DIEHANGER.CO.ZA

UIT DIE HOOF SE KANTOOR

Beste Ouers

Ek lig die volgende belangrike punte uit:

A) UITSTAANDE SKOOLGELDE/GRAADFOOIE/HANDBOEKGELDE

Ek bedank 80% van ons ouers wat getrou hulle finansiële verpligtinge teenoor die skool nakom. Julle is ysters om hierdie skool, 'n skool van uitnemendheid te maak. Die 20% wat nie getrou hierin is nie, wil ek aanmoedig om by die 80% aan te sluit. Ek wil vas glo dat julle net vergeet om jul verpligtinge na te kom.

KOM ONS ALMAL VAT HANDE EN DRA BY TOT DIE TOEKOMS VAN ONS LEERDERS.

Neem asseblief kennis dat alle skolfondsrekeninge wat 60 dae en meer uitstaande is volgende week 'n ARTIKEL 41 skrywe [finale aanmaning] ontvang. Maak asseblief seker dat u skolfonds-rekening dringend vereffen word om regstappe te vermy. Ek doen 'n beroep om u graadfooie en boekegelde op die A-REKENING te vereffen so spoedig as moontlik. Indien dit nie teen 15 September 2023 vereffen is nie, sal u vir 'n afspraak met die beheerliggaam gekontak word.

Ouers, dit is u verantwoordelikheid om u uitstaande gelde aan die skool te vereffen.

Ons is seker een van die mees bekostigbare skole in Suid-Afrika as u in ag neem al die voorregte wat u leerder by HS Framesby geniet. Indien almal hul deel bydra, kan ons skolfonds laag bly in vergeleke met ander skole.

B) GRAAD 8 DIGITALE TEKNOLOGIE

Ons vra om verskoning dat van u as ouers lank moes wag vir u seun of dogter na afhandeling van die Digitale Tegnologie prakties. Om die inhoud van die praktiese toets te beskerm, moes sekere groepe langer in die klasse wag. Ons sal beslis aan die einde van die jaar seker maak dat alle leerders tot aan die einde van die volle sessie by die skool bly. Ons sal dan ook studietye op daardie dag vir die leerders skep.

C) TOETSREEKS

- Oorblywende deel van die September-toetsreeksrooster is aangeheg. Leerders het reeds hul werksafbakening (graad 8 tot 11) op Vrydag 25 Augustus ontvang.
- Ouers, ondersteun u seun/dogter by die huis dat hul deeglik voorberei vir elke toets. Vaste daaglikse studietye van meer as 4 ure is verpligtend sodat hul suksesvol die toetsreeks kan aflê. Die wenpaal is nou in sig.
- Wolkskool is daar om leerders te help met voorbereiding van toetse en eksamens - veral waar leerders dan ook gedurende die kwartaal afwesig was.
- Alle leerders moet na die eksamen/toetsreeks skool bywoon. Die skool sluit eers Vrydag 29 September 2023.

D) VAKKEUSEVORMS GRAAD 9

Graad 9-leerders kan die vakkeusevorms by hul voogde inhandig. Maak asseblief seker dat alle vorms teen 18 September 2023 ingehandig is. Die beplanning vir 2024 word reeds hierdie kwartaal gedoen.

E) SEPTEMBER-VOORBEREIDINGSEKSAMENROOSTER GRAAD 12

Aangeheg is die oorblywende deel van die September-voorbereidingseksamenrooster vir die graad 12-leerders.

F) NOVEMBER-EKSAMENROOSTER – GRAAD 12

Aangeheg die November-eksamenrooster van die Graad 12's.


G) FAKKELFLITS

Ek moedig u aan om die Fakkelflits deeglik te bestudeer. Hier hou ons u op hoogte van alle gebeure en prestasies. Dit is op Framesby se Facebook-blad beskikbaar.

H) DIE HANGER

Sien weekliks die Fakkelflits vir inligting.

Ek dank u vir u volgehoue ondersteuning. Soos ek dikwels vir u sê: Die toekoms van Hoërskool Framesby is blou en goud! Kom ons werk almal saam om dit so te hou.



KLUB 1000/100

WORD DEEL VAN 'N HOËRSKOO VAN UITNEMENDHEID

Sluit aan by Framesby se Klub 1000/100 en word deel van 'n skool van uitnemendheid. Na vele navrae van ons alumni is die konsep van dié Klub gebore. Klub 1000/100 gee almal die kans om steeds betrokke te wees by die skool en die blink toekoms daarvan te verseker. Dit maak nie saak of jy nog in Suid-Afrika of oorkant die waters bevind nie. Jy kan 'n bydrae maak!

'n Maandelikse bydrae van R100 kan in die Framesby Opvoekundige trust gedeponeer word. Hierdie trust word aangewend vir die welstand en vooruitgang van die skool. Die fondse sal deur die Trust bestuur word. Die aanwending van die befondsing sal bepaal word deur die skool en die Trust se komitee. Daar sal elke jaar 'n finansiële verslag deurgegee en geoudit word. Die proses is dus deursugtig en lede kan sien hoe hul skenkings aangewend word.

Op Maandag, 7 Augustus 2023 sal daar 'n video aan ons ouers en oudskoliere uitgestuur word wat die hele proses verduidelik. Die video sal ook op ons Youtube-kanaal, webwerf en Facebook-Blad beskikbaar wees. Die debietordervorm sal op ons webtuiste onder die Klub 100/100 "tab" beskikbaar wees.

PROSES OM BY DIE KLUB 1000/100 BETROKKE TE RAAK

- 1) Laai aansoekvorm van Hoërskool Framesby se webtuiste af.
- 2) E-pos voltooide vorm na rterblanche@framesby.co.za
- 3) U naam sal weekliks in die Fakkelflits onder Klub 1000/100 lede verskyn.
- 4) Hou ons groeiende barometer dop. Dit sal op die voorblad van die Fakkelflits verskyn.

Dankie aan oudleerders, ouers, onderwyzers en passievolle ondersteuners vir u bydrae.



FRAMESBY OUDSKOLIERE



ONS GESELS MET: LYNETTE BARNARD



Met elke Fakkel-Flitse-uitgawe is dit asof jy weer teruggeneem word na jou tyd op die skoobanke. Vir sommige van ons is hierdie herinneringe dalk al ietwat vervaag, veral as jou matriekjaar, soos myne, al in 1983 was. Dit voel soos 'n ewigheid terug (en vir skoliere tans op die skoolbanke is dit 'n ewigheid).

Die voorreg om reeds van standerd 6 (ja, ek kom van die dae voor Graad 8) in Framesby te wees, was my nie beskore nie. Ek het in die tweede kwartaal van st 8 by die Framesby-familie aangesluit. Wat 'n aanpassing! Om by 'n see van 1000+ blou baadjies in te stap nadat jy gewoond was aan Hoërskool De Kuilen in Kuilsrivier (in die Kaap) met miskien 400 skoliere, was nogal iets om te beleef. Om dit boonop te doen na jou noodblinderderm operasie, steke nog in, en dan te hoor die toetsreeks is vervroeg, want die skoolkoor gaan oorsee, het nogal vir 'n warrelwind begin gesorg.

My eerste dag by Framesby, in die Engelse klas van Mrs Morgan, was seker enige tiener se nagmerrie. Ek vermoed dit was beide van ons se eerste dag (sy het niemand se name geken nie, vandaar my aanname). Iemand word gevra om 'n woord op die bord te kom skryf (om te sien of ons kon spel, raai ek), en daar word kieppie uitgewys as die een wat dit moet doen. Auxiliary was die gewraakte woord. Wat ek wel kan spel – nodeloos om te sê, die oomblik was groot, die verwarring erg, en auxiliary word verkeerd gespel, sonder die tweede i. En Mrs Morgan het die klas duidelik laat verstaan dat dit nie aanvaarbaar is nie. Daar is twee ander dinge wat ek goed van Mrs Morgan kan onthou – haar hare wat so grênd gedoen (en gespuit) was; en haar nooiensvan, St Clair. Ons het dit nie geweet omdat ons haar nie goed geken het nie – sy het ons bloot net in elke Engelse periode daaroor ingelig (hoekom, kan ek ongelukkig nie onthou nie, dalk was dit ook net grênd). 'n Ander interessante Engelse onderwyseres was Mrs Boyd – haar naels was almal verskillend gekleur; dit in die dae voor gelnaels en skoonheidsalonnes.

As ek so terugdink aan die taalonderwysers, was almal wat ons gehad het, redelik kortstondig by die skool. Wonder of dit iets te doen gehad het met die skoliere... Mnr Robert Gerber het vir ons 'n ruk lank Afrikaans gegee. Hy het soms in sy uniform opgedaag (op die dae wat die seuns kadette gehad het, as ek reg onthou) – ek raai dit was 'n lugmaguniform, so bloue, met die oulikste baret-agtige hoedjie. En daar loop ek hom baie

jare later raak waar hy hulp nodig het met 'n verhandeling of iets dergeliks; nog jare later as kollega by die Universiteit. Wat 'n klein wêreld!

Ons Skeinat-klas by juf Troskie (later Mev Tait) was gewoonlik interessant; veral as die rugbyspelende Voortrekkers agter in die Skeinat-klas (die een wat soos 'n teater lyk, met die baie trappe) koffie gemaak het op hul Voortrekker gasstofies. Teen die tyd wat juf Tait bo uitgekom het om ondersoek te kom instel na die gewerskaf, was als mooi verdoesel, en het die onskuldige bloedjies van niks geweet nie.

Mnr Thys van Zyl se Biologie-klas in st 8 en 9 was altyd vol staaltjies. Die skoliere het hom gereeld oor tennis en oor Volkskool in Graaff-Reinet uitgevra; dan het die Biologie-inhoud agterweë geble. In een Biologie-les is ons (weereens na vroeë oefening) onomwonne verduidelik waarom jy, as jy onfiks is, naar word en opgooi tydens strawwe oefening. Die wetenskaplike verduideliking is beslis nie meer deel van my Biologie-kennis nie; wat wel vasgesteek het, is iets oor verstopte derms en dinge wat nie onder kon uit nie wat maar boontoe moet kom. En ons almal in die klas sit met sulke groenerige gesiggies met dinge wat voel asof dit boontoe wil kom....

Wiskunde was een van my gunsteling vakke by wyle mnr Danie van Zyl. Hy het 'n rits voorletters gehad, en met een toets het ek gedink ek is oulik, en sy voorletters by sy naam bo-aan my antwoordstel bygesit. Hy het my duidelik laat verstaan dat, as ek dit nie reg kan doen nie, ek dit liever moet los. En toe los ek dit maar. Hy was lief daarvoor om, as jy 'n antwoord in die klas gegee het, te vra: "Hoekom?". "Dis logies, Meneer" was beslis nie aanvaarbaar nie.

Ons Rekeningkunde-klas by wyle mnr Cedric Dudley was in die destydse opslaanklas. Genade, kon daardie klasse warm in die somer word! Hierdie klasse was altyd aan die einde van die dag warm gebak. Jou brein moes fluks wees, want in die hitte (wat almal geïrriteerd en/of vaak gemaak het) moes jy reg optel (sonder 'n sakrekenaar).

Wanneer mnr Kritzinger as skoolhoof saalbyeenkomste waargeneem het, kon jy byna vir seker weet die teksgedeelte gaan uit Prediker 3:1 - 11 kom (1953 vertaling): "Alles het sy bepaalde uur, en vir elke saak onder die hemel is daar 'n tyd...".

Mnr Kritzinger het ook geglo aan somer- en wintersport en aktiewe deelname aan buitemuurse aktiwiteite. Sonder buitemuurs is enige skoolloopbaan nie holisties nie. Ek het die sosiale tennis op Vrydae, atletiek en netbal baie geniet; het darem vir die 2de netbalspan gespeel. CSV-kampe (saam met mnr Thys van Zyl) was spesiaal – ons was ernstig wanneer nodig, het baie geestelike gesprekke gehad, maar ook sommer net lawwe pret. Die kampe by Zuurberg was net bitterlik koud!

Na skool het ek BCom met Rekenaarwetenskap en Bedryfsekonomie as hoofvakke by die destydse UPE gaan swot. In 1985 is ek met André, die liefde van my lewe (en my matriekafskeid-date) getroud. Na my studies was ons vir 'n paar jaar in Bloemfontein waar ek in die Rekensentrum van die destydse UOVS gewerk het as konsultant. Alles by UOVS was in Afrikaans, en dit was nogal 'n aanpassing om rekenaarterme in Afrikaans te hoor as jy alles in Engels op universiteit geleer het. My verantwoordelikhede was uiteenlopend – enige iets van rekenaarnetwerke tot hardware instellasies, sagteware instellasie en ondersteuning, wat ook al nodig was. Dit het later tot opleiding gelei (waarskynlik omdat daar baie frustrasies was met dieselfde probleme wat oor en oor opgelos moes word) en so het ek uitgevind dat ek nogal die opleiding geniet. Daar



het ek die bynaam gekry as "Moeder van woordverwerking" (onthou – UOVS was Afrikaans!).

Na 'n kort draai in dié industrie het ek besef die korporatiewe wêreld met sy gejaag na die materialisme dinge is nie vir my nie en is ek terug na UOVS waar ek die biblioteek se rekenaarstelsels onderhou het. Ons het aan die einde van 1992 terug getrek na PE en ek het 'n pos as dosent aan die destydse PE Technikon gekry vanaf 1993. In 1998 het ek by UPE aangesluit as dosent in die Department of Computing Sciences (by gebrek aan 'n Afrikaanse naam), en is ek steeds daar, alhoewel dit nou Nelson Mandela Universiteit (NMU) heet. Verdere studies het gevolg (met onbeskryflike ondersteuning van my man en kinders) en in 2004 graduateer ek met 'n PhD in Rekenaarwetenskap en Inligtingstelsels. Ek gee hoofsaaklik klas in Inligtingstelsels en werk met finale jaar studente, sowel as nagraadse studente op Honneurs-, Meesters- en PhD-vlak.

Ek en André is geseën met drie pragtige kinders, wat almal deel van die Framesby-familie geword het. Coenrad was hoofseun, Ané was op die Monitorbestuur, en Mieke was hoofmeisie. Al drie ons kinders is getroud, en ons is reeds die trotse oupa en ouma van 5 kleinkinders. Ons skoondogter, Aretha, is ook 'n trotse Framesby-alumni.

In Januarie 2023 het ons met groot hartseer afskeid geneem van Ané toe sy haar stryd teen kanker verloor het. Ons liefde vir haar leef voort in haar man en twee seuntjies en ons weet die Here is daar vir ons en dra ons, te midde van hierdie seer.

Al was ek nie baie lank deel van Framesby as skolier nie, was ons as ouers deel van die uitgebreide Framesby-familie vir 'n goeie paar jaar vanaf 1999 tot 2010. Wat 'n voorreg om op 'n ander vlak deel te kon wees van die Framesby-familie.

Vir huidige skoliere wil ek sê dat jy elke dag van jou skoolloopbaan moet geniet – dit is 'n voorreg om deel van die Framesby-familie te wees. Maak gebruik van elke geleentheid wat die skool bied sodat jy ook jou potensiaal op skool (en daarna!) kan verwesenlik, want ook hierdie voorreg gaan tot 'n einde kom (soos mnr Kritzinger uit Prediker by verskeie geleenthede gesê het). Doen wat jou hand vind om te doen; moenie uitstel as jy dit vandag kan doen nie. Dwight Morrow het in 1935 vir sy seun iets soos die volgende gesê (Indira Ghandi het dit dikwels aangehaal as iets wat sy van haar oupa geleer het): "There are two kinds of people, those who do the work and those who take the credit. Try to be in the first group; there is less competition there."

Mag Framesby van krag tot krag gaan, en mag die mooi geneem word uit die roemryke verlede om 'n ongelooflike, eervolle hede, tot eer van die Here, te bou; wat op sy beurt weer 'n roemryke verlede sal word vir die volgende geslag om op te bou.

Lynette Barnard (nee van Wyk)



FRAMESBY OUDSKOLIERE (FOS)

Beste Oudskolier

Ons wil julle graag van gebeure rondom jul alma mater op hoogte hou. Om hierdie rede wil ons graag ons databasis op datum bring en vra dat alle oudskoliere asb. die volgende inligting na **fos@framesby.co.za** sal e-pos:

- NAAM EN VAN :
- NOOIENSVAN:
- ID-NOMMER:
- JAARTAL GEMATRIKULEER:
- ADRES:
- PROVINSIE:
- BEROEP:
- TELEFOON:
- SELFOONNOMMER:
- E-POSADRES:

U inligting bly hoogs vertroulik.

Die rede hoekom ons u ID-nommer benodig, is om te verhoed dat ons duplike op ons sisteem stoor.

OUDSKOLIERE BERIGTE:

Indien jy iemand vir die Oudskoliere-berig wil nomineer, kontak ons gerus : mediasentrum@framesby.co.za.

Ons wil graag berigte plaas van al ons oudskoliere, maar benodig hul selfoonnombmer/e-pos om kontak te maak.

Dis altyd lekker om te hoor waar ons oudskoliere hulself vandag bevind sowel as om terug te kyk na almal se Framesby herinneringe.

FRAMESBY-OPVOEDKUNDIGE TRUST

KLUB 1000/100

lede

Marius Germishuys (skoolhoof)
Mariaan Botha (ouer)
Karl du Preez (oud-ouer)
Anél Ferreira (ouer)
Mornay Heunis
Sonia & Arthur Gunn (ouers)
Christiaan Beyers Knoetze (matriek 1988)
Niel Louw (ouer)
Rinaldo Loftie-Eaton (matriek 2000)
KA Reyneke
Keagan Tait (matriek 2016)
Wynand Wessels (ouer)
Werner Edwin Olivier (ouer)

sluit nou aan!
VORMS OP ONS WEBTUISTE BESKIKBAAR

We offer
comprehensive
eye examinations



Book online



spec savers
FOR AFFORDABLE EYE CARE

BAYWEST MALL

Shop Lg127 | 041 450 2554



Ditch
the
razor

Switch
to
laser

OptiSkin
aesthetic skin and laser

Repeat treatments required for maximum hair reduction.
OptiSkin uses Alma Lasers' Soprano ICE® diode laser.

Alma
Sopranoice
Pretty.Cool.

OptiSkin
aesthetic skin and laser



Tel: 060 682 9924
www.optiskin.co.za

Shop 53
Sunridge Village Shopping Centre
Kragga Kamma Rd
Sunridge Park

 SUNRIDGE
VILLAGE